

23. oktober 2025
2025/21

UKA

Jens NapâtôK', Naleraq

MitID aamma NemLog-in pillugu inatsisip allanngortinneqarnera (Suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiinermik atuisinnaatitaaneq aamma immikkoortortaqaarfiit inatsisitigut akisussaaffigisat, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsisip Kalaallit Nunaannut atortuulersinneqarnera pillugu peqqussut

(Naalakkersuisut Siulittaasuat)

MitID aamma NemLog-in pillugu inatsisip allanngortinneqarnera (Suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiinermik atuisinnaatitaaneq aamma immikkoortortaqaarfiit inatsisitigut akisussaaffigisat, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsisip Kalaallit Nunaannut atortuulersinneqarnera pillugu peqqussut una saqqummiunneqartoq Naleqqamiit nalilersorluareerlugu imatut oqaaseqaateqassaagut.

Naleraq isumaqarpoq ullutsinni qarasaasiatigut sullinneqarnermi atuisarnermilu isumannaallisaanerit ullutsinnut naleqqussarlugit nalimmassaanerit pitsaasuusut aammalu inunnnut ataasiakkaanut paasissutissat illersugaanerunissaat pingaartutut Naleqqamiit isigaagut tamannalu Qallunaat Nunaanni EU kisimi pingaaruteqaannarani Kalaallit Nunatsinni pingaaruteqarluinnartuuvoq qarasaasiatigut attaveqaatitigullu isumannaatsuuniissaa, illersuutaasinnaasut tamaasa pitsaasut atuisunut kiffartuussinermut aammalu avataaniit ajutumeerianut isumannaatsuunissaat pingaaruteqartussaagalarpoq.

Innuttaasut pisortallu qarasaasiakkut aaqqissuussaanerit ingerlatsinerillu tatigisinnaarsariaqartaraat Naleqqamiit pingaartutut isigaarput aammalu serlersaarsiffigineqarsinnaaneranut atorineqarluisoqarsinnaaneralu pinaveersaartinneqarnissaat pingaartuteqarluinnartuummata aaqqissuussinissaq pingaaruteqartuuvoq.

Taamaammat siunnersuut saqqummiunneqartup siunertaa toqqammaviatigut Naleqqamiit tapersorsinnaavarput pisortat ingerlatsinerminni MitID aammalu NemLog-in qarasaasianut isertaatitut qarasaasiatigut aqutissiorneqarnera innuttaasunuinnaq atugassaajunnaarluni tamanna atuisuusut illersorneqarsinnaane-ranut aammalu atuiffigisanut isersimasut sumut isersimasut takuneqarsinnaanngorlugit aaqqissuuneneqarnissaat pitsaasutut isigaarput.

Taamatullu oqareerluta Naleqqamiit aaqqissutaasinnaasutut oqaasertaliussat pingasut imaattut siunnersuummut ilassutigerusuppagut:

Siullertut: Naleqqamiit isumaqarpugut uani siunnersuummi naammattumik allaaserinnittoqannginnera uggornartuusooq ilami qanoq iliornikkut MitID-p aaqqiissutaa aamma Kalaallit Nunaanni atuuttuunissaa pitsaanerpaamik isumannaatsuunissaalu qulakkeerneqassanersoq tusarneraluartoq ersarissarneqarnera amigartutu isigaarput – pingaartumik nunaqarfinni avinngarusimasunilu, digitaliusumik atortut eqqarsaatigalugit iluaqutaasinnaasut attaveqaatitigut attavilorusujuartarnerit ullutsinnut naleqqussarneqarsimanngitsut eqqarsaatigalugit suli inerisagassaamata uanilu illoqarfissuarni attaveqaatitigut pitsangorsaaffiusimasuni taamaallaat tamakkiisumik iluaqutaalluni atuutileriarluni isorliunerusuni nunaqarfinnilu attaveqaatitigut ilungersornartumik inissisimasarfiusuni imaannaanngittunngorsinnaanera ilanngullugu pitsanngorsaaffiginissaa amigaateqarfigaarput.

Aappaatut Naleqqamiit isumaqarpugut inuiqatigiittut qulakkeertariaqaripput allat kisimik isumalluutigiinnarlugit isumannaallisaaginnarsinnaanngitsugut, tassami nammineq avataaniit innarlisaarfigineqarsinnaaneq aammalu atornerluisinnaanerup killilersimaarfiginissaa allat atortui kisimik aallaaviussappata tamakkiisumik Naalagaaffinngornissatsinnut periareersarnerunani suli allat pisariaqartilluinnarneranut pituttoraluttuinarluta inissikkiartuinnarnerput apeqqusinnguarnagu aaqqissuussiuassagutta Naalagaaffinngorsinnaanissarput ungasilliartuinnartussaavoq aammalu allat kisimik atortorissaarutitigut isumalluutaat kisimik atorutsigit nammineq uagut nunatut uagutsinnullu naapertuuttumik aaqqissuussisanngikkutta allat pinngitsoorsinnariartuinnartussaagatsigit tamanna ilanngullugu tamanna Naleqqamiit eqqarsaatersuutigiinnarnagu aamma sukumiisumik tamatigut nalilersuiffigisassagipput uanissaaq kaammattuutigerusupparput.

Allat aqutaat kisimik aallaavigiinnarlugimmi ineriartortitsinnarata uagut nammineq aallaavigaluta nunarpullu tamakkerlugu atornerqarsinnaasumik siunissaq qaninnerusoq siunissarlu ungasinnerusoq eqqarsaatigalugu nammineq aqutatsinni nammineq ilusilersukkatsinni aallaaveqartumik qulakkeerininnissaaq Naleqqamiit pingaartumik isigatigu

ilanngullugu nalilersuisoqassasoq kaamattuutigarpur, tassa maanna MitID atorlugu aaqiineq ikaarsarfittut atornerqarsinnaavoq, kisiannili uagut qulakkeertariaqarparput nunatsinni nammineq pisinnaasaqarnissarput, nammineq qulakkeertariaqarparput siunissami nammineq nukittunerusumik inissisimanissarput qulakkeerniassagipput uagut nammineq aallavigalugu ingerlanitsinni.

Pingajuattut siunnersuut misissuataarnerani ersarilluinnartumik qulakkeerniarneqarpoq qarasaasiakkut atuinermi isumannaallisaaneq pisortanut oqartussaasunut taamatullu sulisunut tuniniaasartunullu atortitsisuusunut taakkununga isumannaatsuunissaat isigiarnearlunilu qitiutinneqarsimasoq Naleqqamiit maluginiarparput.

Taamatullu oqareerluta taamatut aaqiiniarneq nunap inuinit pitsaasuunissaa qulakkeerniarneqassasoq aammalu qarasaasiakkut isertaatinik piumasaqaataalersut pillugit innuttaasunut pisinnaatitaaffeqarnerat innarlerneqarani akerlianik suliamut uunga peqataanissaa qulakkeerneqassasoq pingaartut Naleqqamiit isigigatigu ilanngullugu ataatsimiititaliami nalilersorluarneqarluni suliarineqassasoq kissatigigatsigu, ilami innuttaasut pisinnaatitaaffiinit innarliinngitsumik akerlianilli illersugaallutik inissisimaffiannik aaqisarnissaq Naleqqamiit pingaartikkatsigu tamanna qaqilerparput.

Systemi salliugani innuttaasut nunap inui tamatigut pingaarnarunissaat salliujuannearnissaat Naleqqamiit pingaartut isigigatigu tamatuma qulakkeeqqissaarsimanissaat pingaartut isigalugitgu Ataatsimiititaliami nalersorluarlugu qulakkeernissaa pingaartut isigalutigu Naleqqamiit suliaakkiissutigarpur.

Qulakkertariaqarlunartut ilaattut isigarpur periusaalertussaasoq atornerqalertussaasoq innuttaasunut toqqissisimanartuunissaat aammalu atuisunut atoruminartuunissaa pisarissersuutaagani akissajaataanngitsumik tamanullu ajornanngitsumik atornerqarsinnaanerata qulakkeersimanissaat pingaartut isigarpur, atuisinnaasut tamarmik qanoq ukioqaraluarpata taamatullu ilinniarsimasuuneq ilinniarsimasuunnginneq apeqqutaatinnaagit sumilu najugaqarneq apeqqutaatinngilluinnarlugu aqqissuulluakkamik atoruminartuunissaa qulakkeerneqarsimanissaat Naleqqamiit pingaartut isigarpur.

Naleqqamiit siunnersuut tapersorsinnaavarput siunnerfiit tamakkiisumik suliarineqarsinnaappata aammalu innuttaasut puigornagit nittartakkamik pilersititsineq ingerlanneqarnissaa ilanngullugu suliarineqarsinnaappat, nittartagaq aqutigalugu innuttaasut nunap inui atuisut sumiikkaluarunilluunniit ajornartorsiuteqanngitsumik iserfigisinnaasaannik taamatullu suliffeqarfiit ulluinnarni qularnaatsumik nittartakkatigut ilitersuutasumik periuseqarsinnaanermullu siunnersuutini ilitersuutinillu

atorsinnaasaannik peqalernissaa ilanngullugu suliarineqarnissaa Naleqqamiit kaammattuutigaarput, taamatut oqaaseqaatigut ilanngullugit nalilersorluarneqarnissaat kissaatigalutigu Naalakkersuisut siammasissumik nuna tamakkerlugu digitalinngortitsinermut periusissiaq ingerlateqqinnissaa Naleqqamiit inerisartuarlugu naleqqussaqqinnissaa ilanngullugu kaammattuutigalutigu isumannaallisaaneq innuttaasullu kiffartuunneqarnerat pisinnaatitaaffeqarnerat Kalaallit nammineq nakkutigalugillu ingerlannerussagipput siunissami qarasaasiatigut attaveqaatitigullu aaqqissuusseqqinnikkut qitiunissaat Naleqqammit kaammattuutigalutigu

Naleqqamiit taamatut oqaaseqaateqarluta siunnersuut tapersersorsinnaallugu oqaaseqaateqarpugut, kissaatigaarpullu Naalakkersuisut oqaaseq digitalinngortitsinermik periusissiaq nutaaq sananera ingerlatseqqinnerani kalaallisut oqaatsitta qarasaasiatigut atortorissaarutitigullu sukkaqisumik ingerlasut ilanngullugit suliarineqarnissaat ilanngullugu kaammattuutigaarput maannakkumiik piusissiaq suli kalallisut taaguuteqarani Nuna tamakkerlugu digitalinngortitsinermik periussiaq nutaaq taamatut taagorlugu suliassaammat. Innuttaasut pisinnaatitaaffiat namminerlu ingerlallugulu aqussinnaasatsinnik siunissami digitalimik ingerlatsinermi aaqqiisarnissallu maani nunatsinni qitiullutillu ingerlannissaat pingaartutut isigalutigit ingerlanissaa kaammattuutigalugit suliaq Naleqqamiit ataatsimiititaliami suliassanngortipparput.